

## Treoirline Airgeadais 2021/2022 - 29

### Pobalscoileanna, Scoileanna Cuimsitheacha agus Meánscoileanna Deonacha

## Formheas agus Gnásanna maidir le hÚsáid Cárta Creidmheasa Scoile

Tagann an treoirline seo in ionad threoirline 17-2019/2020, Formheas agus Gnásanna maidir le hÚsáid Cárta Creidmheasa Scoile.

### 1. Réamhrá

Is é atá i gcárta creidmheasa ná cárta a eisíonn banc/cuideachta airgeadais le húsáideoir, lena gcuirtear ar chumas an úsáideora sin rudaí a cheannach láithreach, suas le teorainn réamhshocraithe, agus íoc astu ag tráth níos faide ar aghaidh. Is cineál fiachais é cárta creidmheasa.

Tá fíordheimhniú láidir custaiméara ina riachtanas anois agus íocaíochtaí cárta a ndéanamh ar líne.

### 2. Fíordheimhniú Custaiméara Láidir (FCL)

Chun FCL a chur i bhfeidhm ba cheart na céimeanna seo a leanas a ghlacadh:

- Seans go mbeidh ar shealbhóir an chárta, is é sin an Príomhoide, an aip bhaincéireachta chuí a íoslódáil ar a bhfón cliste agus na teoracha a leanúint maidir le socrú. Seachas sin féadfaidh an banc eochair shlándála fhisiciúil (ESF) a chur ar fáil.
  - Custaiméirí ALB: <https://aib.ie/secure-internet-shopping/confirm-by-auth-app>
  - Custaiméirí Bhanc na hÉireann: <https://www.bankofireland.com/help-centre/faq-category/sca/>  
Tabhair faoi deara le do thoil go gceanglófar ar chustaiméirí Bhanc na hÉireann próifíl 365 ar líne a úsáid chun idirbhearta cártaí creidmheasa a cheadú. Níor cheart go gcuirfeadh sé seo isteach ar na cuntais bhainc eile a riartar faoi ghnó ar líne.
- Agus íocaíocht ar líne á déanamh agat seans go n-iarrfar ort an ceannach a dheimhniú ar an aip baincéireachta.
- Deimhnigh an íocaíocht ar an aip.

- Ar shuíomh na ndíoltóirí deimhnigh go bhfuil an t-idirbheart ceadaithe agat ar an aip baincéireachta.
- Má tá ESF in úsáid, lean na céimeanna de réir na dtreoracha bainc.

### 3. An formheas a theastaíonn chun cárta creidmheasa scoile a úsáid

Ós rud é gur cineál fiachais atá i gcárta creidmheasa, is gá formheas a fháil roimh ré sula mbaintear feidhm as cárta creidmheasa scoile.

- I gcás Bord Bainistíochta pobalscoile agus scoile cuimsithí “níor chóir rótharraingtí ná aon iasachtaí eile a bheith acu (lena n-áirítear ceannach ar léas, fruilcheannach nó aon socrúithe maoinithe comhchosúla) ach amháin sa chás go bhfuil **formheas faighte i scríbhinn roimh ré ón Roinn**”. (Féach an Lámhleabhar Rialachais do Phobalscoileanna & Scoileanna Cuimsitheacha, Alt 21.5 Socrúithe baincéireachta lena n-áirítear rótharraingtí bainc, iasachtaí eile agus léasú).
- I gcás Bord Bainistíochta meánscoile deonaí “níor chóir rótharraingtí ná aon iasachtaí eile a bheith acu (lena n-áirítear ceannach ar léas, fruilcheannach nó aon socrúithe maoinithe comhchosúla) ach amháin sa chás go bhfuil **formheas faighte i scríbhinn roimh ré ó na hlontaobhaithe/Pátrúin**”. (Féach na Treoirínte maidir le Bainistíocht Airgeadais i Meánscoileanna Deonacha, leathanach 31 agus Aguisín 1 - Airteagail Bhainistíochta do Mheánscoileanna Deonacha Caitliceacha, Airteagail 27 agus 28).

Chun cloí leis an méid thuas, ba chóir foirm formheasa a chomhlánú agus a chur isteach chuig an Roinn Oideachais i gcás Pobalscoile agus Scoil Chuimsitheach agus chuig an iontaobhaí/pátrún i gcás Meánscoile Deonaí sula gcuirfear an t-iarratas faoi bhráid an bhainc. Féach ar **Aguisín A** faoi iamh le haghaidh foirm formheasa shamplach.

### 4. Rialuithe maidir le cárta creidmheasa scoile a úsáid

- a) Ní mór formheas a fháil ón mbord bainistíochta ar dtús i dtreo is go mbeadh an scoil in ann cárta creidmheasa a úsáid. Ba chóir an formheas sin a chuimsiú i miontuairiscí chruinniú an bhoird.
- b) Ní mór don scoil formheas a fháil ón Roinn Oideachais i gcás Pobalscoile & Scoil Chuimsitheach nó ón iontaobhaí/pátrún i gcás Meánscoil Dheonach chun cárta creidmheasa a úsáid. Ba chóir an fhoirm iarratais in Aguisín A a chomhlánú agus a chur chuig an gcomhlacht údaraithe cuí. Níor chóir iarratas ar chárta creidmheasa scoile a chur chuig banc go dtí go ndéanann an pátrún/iontaobhaí/Roinn Oideachais é a fhorghheas.
- c) Ba chóir don bhord bainistíochta polasaí maidir le cárta creidmheasa a fhorbairt agus a ghlacadh. Ba chóir go leagfaí amach sa pholasaí an teorainn, na príonsabail, na téarmaí agus coinníollacha agus na gnásanna lena rialófar eisiúint, úsáid, riar agus coinneáil an chárta creidmheasa scoile. [Féach anseo le haghaidh polasaí samplach.](#)

- d) Níor chóir cárta creidmheasa scoile a bheith ag aon duine ach amháin an Príomhoide.
- e) Beidh sealbhóir an chárta freagrach i gcónaí as úsáid chuí an chárta creidmheasa i gcomhréir leis an bpolasaí.
- f) Beidh sealbhóir an chárta freagrach as an gcárta a choimeád slán agus as slándáil na faisnéise a bhaineann leis an gcárta.
- g) Ba chóir go gcomhaontódh an bord bainistíochta teorainn an chárta creidmheasa agus níor chóir go sárófaí an teorainn sin.
- h) Níor chóir an cárta a úsáid ach chun críocha bona fide na scoile sa chás nach féidir an riachtanas caiteachais a chomhlíonadh trí na córais agus seirbhísí airgeadais atá ag an scoil cheana féin.
- i) Tá íocaíocht le cárta creidmheasa faoi réir na rialacha céanna is atá íocaíocht le seic nó ríomhíocaíocht, is é sin, ní mór beirt cheadaitheoirí a bheith ann. Is féidir é sin a bhaint amach tríd an bpróiseas a leanas a chur i bhfeidhm;
  - a. Chomh luath is a fhaightear an ráiteas míosúil maidir leis an gcárta creidmheasa, ba chóir na sonraisc/fáltais lena mbaineann a cheangal leis an ráiteas. Ba chóir don Phríomhoide agus do chathaoirleach an bhoird bhainistíochta an ráiteas míosúil maidir leis an gcárta creidmheasa a shíniú sula ndéanfar íocaíocht a fhormheas.
- j) Ní mór fáltais iomchuí le haghaidh an chaiteachais uile a sholáthar chun tacú leis an ráiteas maidir leis an gcárta creidmheasa, ní leor iad cóipeanna d'fháltais chárta creidmheasa leo féin.
- k) Níor chóir cárta creidmheasa a úsáid chun airgead tirim a aistarraingt nó chun críche úsáid phearsanta.
- l) Ní cóir go ndéanfaí íocaíochtaí gan tadhall le cárta creidmheasa.
- m) Ní cóir go n-úsáidfí cárta creidmheasa i gcás go bhfuil foirmeacha eile íocaíochta inghlactha, is é sin, seic, ríomhaistriú airgid.
- n) ***Níor cheart do scoileanna leas a bhaint as cártaí dochair mar mhodh íocaíochta i gcás ar bith.***

Fón: 01-269 0677

[info@fssu.ie](mailto:info@fssu.ie)

An 12 Bealtaine 2022

## Aguisín A

### Páipéar ceanteidil na scoile

### Foirm formheasa do Chárta Creidmheasa Scoile

Ainm na scoile: \_\_\_\_\_ Uimhir rolla na scoile: \_\_\_\_\_

Seoladh na scoile: \_\_\_\_\_

Tá bord bainistíochta \_\_\_\_\_ (*ainm na scoile*),

ag lorg formheasa ón \_\_\_\_\_ (*cuir isteach Roinn Oideachais i gcás Pobalscoileanna agus Scoileanna Cuimsitheacha*), *nó ainm an chomhlachta iontaobhaí/pátrúin i gcás Meánscoileanna Deonacha*) chun iarratas a chur chuig an institiúid airgeadais \_\_\_\_\_ (*cuir isteach ainm an bhainc*) le haghaidh cárta creidmheasa le húsáid ag an scoil.

Sínithe: \_\_\_\_\_ Dáta: \_\_\_\_\_

**Cathaoirleach an bhoird bhainistíochta**

---

### Don phátrún/iontaobhaí:

Rinneadh an t-iarratas ar chárta creidmheasa a fhorghnas. Caithfear cloí le forálacha Threoirlíne FSSU 2021/2022-29 .

Síniú \_\_\_\_\_ Dáta: \_\_\_\_\_

*(Má dhéanann an pátrún/an t-iontaobhaí/an Roinn Oideachais cárta creidmheasa scoile a fhorghnas, ba chóir an fhoirm iarratais seo a shíniú agus a chur ar ais chuig an scoil)*

---

Ba chóir do Phobalscoileanna agus Scoileanna Cuimsitheacha an fhoirm seo a sheoladh chuig: An Roinn Oideachais, Rannán na Scoileanna, Corr na Madadh, Baile Átha Luain, Contae na hIarmhí, N37 X659

*\*Is Scoileanna Pobail agus Cuimsitheacha iad Scoileanna C&C,*

*\*Is Meánscoileanna Deonacha iad Scoileanna VS*